

永樂大典

卷一〇四二 李字

卷一〇四三 李字

卷一〇四五 禮字

卷一〇四九 禮字

永樂大典卷之一萬四百二十一

四濟

李

李彭年

桐汭志李彭年字元老郡人也紹興八年舉進士此身不陵尉初戚方入境父母沒于賊兵彭年追慕不已能如禮

興祖嘗表稱之曰伏見土居官李彭年言行有常鄉里稱孝昨者賊兵入境作過彭年二親相繼被害冒犯白刃收飲營葬追慕哀慟人不忍聞除喪累年蔬食水飲誓終此身不食酒肉語及其親悽愴泣下自兵戈以來習熟見聞孝養廢闕不能如禮者多矣彭年獨躬行之出於至誠妻有顯跡可以激厲風俗朝廷嘉之勅賜旌表門閭官至鎮江府教授今旌表猶在石磴山之舊居號其里曰旌孝

李中

元一統志李中紹興十五年知僊井監其子燾即

巽巖先生亦為隆州監稅早有文學為時名流

李燾

宋史列傳李燾字仁甫眉州丹棱人唐宗室曹王之後也父中登第知僊井監燾甫主貢金雖未報著反正議十四篇皆救時

大務紹興八年擢進士第調華陽簿再調雅州推官改秩知雙流縣仕族張氏子居喪而爭產燾曰若忍墜先訓乎盡歸思之三日復來這悔父無訟又有不自其母而鬻產者燾寘之理豪強歛跡於是以餘暇力學燾耻讀王氏書獨博極載籍搜羅百氏慨然以史自任本朝典故尤悉力研覈倣司馬光資治通鑑例斷自建隆迄于靖康為編年一書名曰長編浩大未畢仍效光體為百官公卿表史官以聞詔給札來上制置王剛中辟幹辦公事知榮州榮因溪為隍夏秋率苦水潦燾築防捍之除潼川府路轉運判官入境劾守令不職者四人縣多聚歛燾括一路財賦額通有無酌三年中數定為科約上之朝頒之州縣乾道三年召對首舉藝祖治身治家治官治吏典故以為恢復之法乞增置諫官許六察言事請練兵無增兵杜諸將私獻覈軍中虛籍除兵部員外郎兼禮部郎中會慶節上壽在郊禮散齋內議權作樂燾言漢唐祀天地散齋四日致齋三日建隆初郊亦然自崇寧大觀法周禮祭天地故前十日受誓戒今既合祭宜復漢唐及建隆舊制庶幾兩得詔垂拱上壽止樂正殿為北使權用正除禮部郎中言中興祭禮未備請以開寶通禮嘉祐因革禮政和新儀命太常寺參校同異修成祭法四年上續通鑑長編自建隆至治平凡一百八卷時乾

道新曆成。燾言曆不差不改。不驗。不用。未差無以知其失。未驗無以知其是。舊曆多差。不容不改。而新曆亦未有大驗。乞中勛。曆官討論。五年遷祕書少監。兼權起居舍人。尋兼實錄院檢討官。子廔。試賢良方正直言極諫科。燾素謂唐三百年。不愧此科者。惟劉去華。心慕之。嘗以所著通論五十篇。見蜀帥張燾。欲應詔。不偶而止。其友晁公遡。以書勉之。燾答以當修此學。必不從此舉。既不克躬試。於是命二子廔。塾習焉。至是。吏部尚書汪應辰薦。廔文行可應詔。故有是命。左相陳俊卿出知福州。右相虞允文任恢復事。更張舊典。宰相以燾數言事不樂。燾遂請去。除直顯謨閣。湖北轉運副使。陞辭以欲連變右為戒。又奏禹貢九州。荆田第八。賦乃在三。人功既修。遂超五等。今田多荒蕪。賦虧十八。上命之條畫。既至。奏京湖之民結茅而廬。築土而坊。庸牛而犂。糴種殖穀。苗未立。睥睨已多。有橫加科歛者。今宜寬侵冒之禁。依乾德詔書止輸舊稅。廣收募之術。如咸平元豐故事。勸課有勞者。推恩詔從之。總餉呂游問入奏。燾攝其事。歲飢。發鄂州大軍倉賑之。僚屬爭執不可。燾曰。吾自任不以累諸君。尋如數償之。游問返。果劾燾專上止命。具析不之罪也。八年。直寶文閣。帥潼川。兼知瀘州。首葺石門堡。以扼夷人。奏乞戒茶馬司市叙州。羈縻馬。毋濫額。戒官民毋於夷漢禁。

山伐木造舟奏移鎖水於間邊舊池皆報可淳熙改元召適城中火工章
自劾提刑何熙志奏焚數不實且言長編記魏王食肥蔬語涉誣謗上曰
憲臣按奏大數夫實職也何預國史命成都提刑李紫充大事詔熙志貶
二秩罷燾止貶一秩燾及都門乞祠除江西運副且許臨遣或勸以方被
謫無及時事燾曰聖主全度如此竭忠所以為報遂奏日食地震皆陰盛
主啟國小人不可不慮且申無變古無欲速兩言又上快歲引太祖罷朝
悔乘快決事以諫上曰朕當揭之座右進祕閣修撰權同修國史權實錄
院同修撰燾為左史時嘗乞復行明堂禮謂南郊明堂初無隆殺合視園
壇特免出郊浮費至是申言之詔集議燾幸沮止其後尚必大為禮部尚
書中其說始克行權禮部侍郎七月壬戌雷震太祖柱壞鵠尾有司旋加
脩繕燾奏非所以畏天變當應以實上諭大臣燾愛朕屢進諫言賜金紫
嘗請正大祖東向之位四年駕幸太學以執經特轉一官燾論兩學釋奠
從祀孔子當升范仲淹歐陽脩司馬光蘇軾黜王安石父子從祀武成王
當黜李勣衆議不叶止黜王雱而已真拜侍郎仍兼工部徽宗實錄置院
已久趣上奏篇燾薦呂祖謙學識之明召為祕書郎兼檢討官夜直宣引
奏近者蒙氣蔽日厥占不吉者祿股肱耳目宜謹厥與賜坐欲起又留賜

欽賜茶。尋詔監視太史測驗天文。九月丁酉日當夜食。燾為社壇祭告官。
代鼓禮廢。特舉行。屋既中制。科為祕書省正字。尋遷著作郎。兼國史實錄
院編修檢討官。父子同主史事。搢紳榮之。燾感上知遇。論事益切。每集議
衆莫敢發言。獨條陳可否。無所避近。臣復舉其次子。整應制。科以閣試。不
中。程黼屋偶考上舍試。卷發策問。制科為御史。所劾語連及燾。屋罷。燾亦
知常德府。初政。和未。澧辰沅靖四州置營田。刀拏手募人。闕遠。范世雄等
附會擾民。建炎罷之。乾道間有建請復置者。燾為轉運使。嘗奏不當復。已
而提刑尹機迫郡縣行之。田不能給。燾至。是又申言之。請度田立額。且約
帥臣張栻列奏。詔從之。境多茶園。異時禁切商賈。率至交兵。燾曰。官捕茶
賊。豈禁茶商聽其自如。訖無警累。表乞開提舉興國宮。秋明堂大禮成。以
其首議復除教文閣待制。頃之。屋塾繼亡。上欲以吏事紓燾憂。起知遂寧
府。七年。長編全書成。上之詔。歲祕閣。燾自謂此書寧失之繁。無失之略。故
一祖八宗之事。凡九百七十八卷。卷第總目五卷。依熙寧修三經例。損益
修換四千四百餘事。上謂其書無愧。司馬遷燾嘗舉漢石渠白虎故事。請
上稱制臨決。又請冠序。上許之。竟不克就。又奏陛下即位二十餘年。志在
富強而兵弱財匱。與教民七年可以即戎者異矣。一日召對延和殿。講臣

方讀陸贄奏議。肅因言贄雖相德宗。其實不遇。今遇陛下。可謂千載一時。遂舉贄所言。切於今可舉而行者數十事。勸上力行之。上有功業不足之嘆。肅曰。功業見乎變通。人事既修。天應乃至。進敷文閣學士。從舉佑神觀。兼侍講。同修國史。薦尤袤劉清之十人爲史官。十年七月久旱。進祖宗避殿減膳。求言故事。上亟施行。丁丑雨。一日宣對。肅言外議陛下多服藥。罕御殿。宮嬪無時進見。浮費頗多。上曰。卿可謂忠愛。顧朕老矣。安得此聲。近惟葬李婕妤。好用三萬緡。他無費也。遂因轉對。乞用祖宗故事。召宰相執赴經筵。太史言十一月朔日當食。心八分。肅復條上古今日食是月者三十。四事。因奏之曰。心天王位。其分爲宋。十一月於卦爲復。方潛陽時。陰氣乘之。故比他食爲重。非小人害政。即敵人窺中國。明日對延和殿。入及晉何曾譏武帝無經國遠圖。十一年春。乞致仕。優詔不允。上數問其疾。增損給事中宇文价。傳上旨。肅曰。臣子戀闕。非老病。忍乞骸骨。因叩价時事。勉以忠蓋。又聞四川乞減酒課額。猶手劄贊廟堂行之病。革除敷文閣學士致仕。命下。喜曰。事了矣。口占遺表云。臣年七十。死不爲夭。所恨報國缺然。願陛下經遠以藝祖爲師。用人以昭陵爲則。辭氣舒徐。乃辛年七十。上聞嗟悼。贈光祿大夫。他日謂宇文价曰。朕嘗許肅大書績資治通鑑長編七字。

且用神宗賜司馬光故事為序冠篇。不謂其止此。熹性剛大特立獨行。早著書。檜尚當路。檜死始聞于朝。暨在從列。每正色以訂國論。張拭嘗曰。李仁甫如霜松雪栢。無嗜好。無媚侍。不值產平生。生死文字間。長編一書。用力四十年。葉適以為春秋以後。纔有此書。有易學五卷。春秋學十卷。五經傳授尚書百篇圖大傳雜說各一卷。七十二子名籍各一卷。文集五十卷。奏議三十卷。四朝史葉五十卷。通論十卷。南北攻守錄三十卷。七十二侯圖。陶潛新傳并詩譜各三卷。歷代宰相年表。唐宰相譜。江左方鎮年表。晉司馬氏本支。齊梁本支。王謝世表。五代將帥年表。合為四十一卷。謚文簡。累贈太師溫國公。子庶塋塾壁臺。庶著作郎。塋夔州路提點。刑獄壁臺皆執政有別傳。論曰。執羔宿德雅度。在經筵。忠忱啓沃。以口舌相高。為戒。希呂剛直。懇切有古引裾風。良祐力止汎使懼聞。釁端忤旨。竄斥而甘心焉。李浩獨不遠秦虜。陳索以呈身為耻。文若識休兵。胡沂斥閹宦。其清風苦節終始。弗渝高孝之世。李燾耻讀王氏書。掇拾禮文殘缺之餘。繁然有則長編之作。咸稱史才。然所掇拾。或出野史。春秋傳疑傳信之法。然歟。與地紀勝紹興二十九年。周麟之言。知双洮縣。李燾嘗讀皇朝公卿百官表。詔給扎錄付史館。燾博學剛正。秦檜盛時。嘗遣人諭燾欲得一通問。即召。

用。熹迄不與坐此。慨寔州垂二十年矣。四川制置王剛中聞其名。奏為幹辦公事。繫平錄李璧鴈湖集。巽巖先生墓刻。公諱熹。字仁甫。一字子真。

其先唐宗室右武衛大將軍。偲武氏之禍。竄眉丹稜子孫。因家焉。距公十有七世矣。大王考諱夔。王考諱夙。贈奉直大夫。考諱中。左朝奉大夫。贈宣奉大夫。妣碩人史氏。公主於政和五年四月丙辰。登紹興七年進士第。調華陽縣主簿。擬嘉州軍事。推官未赴。丁宣奉憂。服除。調雅州軍事。推官。改宣教郎。知雙流縣。辟四川制置司幹辦公事。知榮州。除潼川府路轉運判官。丁太碩人憂。服除。召赴行在。入尚書為兵部郎中。以觸宣奉諱。改行負外郎。國史院編修官。轉禮部員外郎。遷祕書少監。兼實錄院檢討官。權起居舍人。起居郎。直顯謨閣。荆湖北路轉運副使。除祕書少監。赴闕供職。改直寶文閣主事。潼川府路安撫司公事。知瀘州。召赴行在。陞祕閣。脩撰。江南西路轉運副使。召赴行在。除祕書監。兼權同脩國史。實錄院同脩撰。權權尚書禮部侍郎。兼同脩國史。實錄院同脩撰。侍講。拜禮部侍郎。兼工部侍郎。以御史論。公子虛發策不當黜。并出。公知常德府。逾年。提舉江州太平興國宮。天子初行明堂禮。推恩首建議者。加敷文閣待制。尋除知遂寧府。召赴行在。拜敷文閣直學士。提舉佑神觀。兼侍講。同脩國史。三上章請。

老除敷文閣學士致仕以淳熙十一年二月五日薨于行在所享年七十
累官至通奉大夫爵丹稜縣開國伯遺奏上聞天子哀其忠贈光祿大夫
特命臨安府營辦葬事又出內帑金帛賜其家尋勅濱江漕臣護其喪歸
葬蜀明年七月二十八日葬于丹稜縣龍鵠山巽巖之陽公娶同邑楊氏
封碩人子十三人男曰謙曰垕奉議郎祕書省著作郎曰奎前知成都府
郫縣事曰塾承務郎曰億曰璧承奉郎前主管尚書刑工部架閣文字曰
臺承務郎女曰均適朝奉郎新知果州曹執同曰玩適朝奉郎前知普州
師祖慶曰壇適迪功郎漢州州學教授任阜曰典適河東進士薛純穎曰
增適從政郎榮州州學教授張仲曰堪適迪功郎鳳州兩當縣主簿勾龍
宗愈謙垕塾堡典及純穎皆先公殆阜後公一年亦亡孫男七人曰鏐曰
錫曰鉢曰鏐曰鉢曰鏐孫女二人曰真曰從公高亮傑持碩大剛毅人望
之凜然而內甚夷曠其學洞究古今會道約理晦明巨細交貫旁達其臨
事如衡陳權說主黍不可欺四方學者宗仰敬畏終莫測所至其在朝廷
正色侃侃守經據古務以格君心存舊章畏天變愛民力裁恩倖峻風節
為言不擇禍福利害以為趨舍避就挺立不撓邪枉憚焉其任外服綱張
目舉仁行威振強暴者戢柔懦者立貪吝者化興利除弊率為後法方公

少年遭王國多難慨然有志馳驅值權臣力主和議務以弭消闕天下忠義敢為之氣公竊憤之終其世不與道陸沉遠方凡三十年始登天朝屬時宰附會規挑兵端公又力爭之以為自治未至何以謀人至擯居外猶懇懇弗已晚再侍帷幄察時論浸弛慮成耽惕晏安之漸則勸上以無怠初志益懋遠圖迹公所學考功素論則公之盛心何如也然嚴氣正性不肯纖芥徇時以故屹屹難合迄大不施獨為天子所尊禮至稱之曰有國之師表也洎將用公而公亡矣嗚呼用捨汙隆之數實關諸天豈人力哉諸孫不令何足以識公大致念葬日薄矣較德瑒辭厭艱其人敬悲元泣血先用溫文正公法書世次官簿終始以掩諸幽其論次之詳則見諸家傳云周益公大全集教文閣學士李文簡公燾神道碑韓愈以天刑人禍歸咎史筆柳宗元隨闕其說後人終致疑焉今以李文簡公驗之何疑且左氏紀諸國之事史記上下數千載是是非非利害不專及當世若公續司馬先資治通鑑為本朝長編上闡國體下涉諸臣之家非異代比使天刑人禍可信孰能結知明主見推多士生歷清要浚定美謚諸子繼踐世科歷二千石光顯未艾如李氏者乎况公出入中外見謂忠直盡言交游藐視強禦雖微作史自當齟齬難合然讒間不行于朝士大夫鮮含怒

者何也。守道正。淮職公。事上不欺。應物無心。天人交助。其在茲乎。既漢十八年。蜀多文士。其子不近。求銘詩而達。屬耄老。非以同朝。久相知深也。歟。是宜序而銘之。公諱燾。字仁甫。一字子真。系出唐曹恭王季子石武衛大將軍僖武后。斥為民徙眉州之丹棱縣。遂家焉。六世孫瑜始復屬籍。仕至長江令。公長江十一世孫曾祖雙。祖夙。贈奉直大夫。考中朝奉大夫知仙井監。累贈宣奉大夫。妣碩人史氏。公生政和乙未。天資穎異。博覽經傳。獨不樂王安石學。甫冠。已著兩漢鑑。明年。追念靖康變故。著反正議十四篇。人皆竒之。紹興八年。第進士。調成都府華陽縣主簿。未上。讀書本縣龍鶴山。命曰巽巖。自記云。子真子。三卜居。乃得此山。向東南面西北。其位為巽。為乾。蓋處已非乾健。無以立。應物非巽順。無以行。易六十四卦。仲尼撥其九。而三陳之。起乎履。止乎巽。此講學之序也。語曰。可與共學。未可與適道。可與適道。未可與立。可與立。未可與權。夫人各有所履。善惡分焉。惟能謙可與共學。惟能復可與適道。知所適而無以自立。則莫能久。故取諸常。使久於其道。或損之。或益之。至於困而不改。若井未始。隨邑而遷。則所以自立者成矣。雖然。吉凶禍福。橫發逆起。有不可知。將合于道。其惟權乎。然非巽則權亦不可行。學至于巽。乃可與權。此聖賢事業也。年方二十四。其志

趣學問如此。久之赴華陽時宰秦檜知公名。公不與通會。詔郡國舉賢良。公携五十策謁成都帥張燾。不果薦。秩滿外銓。復置教授闕。公亦不就。注嘉州軍事推官。丁父憂二十年。服除。再注雅州軍事推官。作當直司箴諷郡守。用私情背公法者。總領財賦。待行中屬公。增簡州鹽筴。公移書力拒之。舊相張浚謂有臺諫風。二十四年改宣教郎。知成都府雙流縣。日生聽事。訟至立決。前執政李文會自瀘徙益府。下九縣供張加倍。公用常儀。李由他道去。仕族張氏子競家貲。公曰。汝方在喪。忍墜先訓。盡歸。思三日復來。果悔過。自新。大姓李雲市丘成之產業。公以成之。不白所生母。追正之。雲調辭訴府。公列經義律文致雲法。豪右歛迹。邑庭如水。日繕史冊。彙次國朝事實。謂司馬光脩史。先為百官公卿表十五卷。後頗散逸。乃徧求正史實錄。傍採家集野史。增廣門類。起建隆迄靖康。合新舊官制。成一百四十二卷。其重編先者僅七之一。長編之書。蓋始於此。二十九年四川制置使王剛中辟公幹辦公事。三十二年知榮州。州因山為城。川為隍。夏秋常患水溢。公築坊禦之。隆興二年除潼川府路轉運判官。入境劾守令四人。州縣多橫歛。公選官置局。括一道財賦。列其名邑。使有無相補。酌三年中數而為帳。徧示官吏。許隨不當。更定名為科約。至今不廢。母憂去官。乾道

三年召赴行在八月入對上太祖故事已以為法請許六察言事又言軍興三十年蜀賦一錢折變百之願自此勿增取况蜀兵已多宜罷招刺嚴簡汰禁大將母張虛藉陪部曲孝宗嘉納除尚書兵部郎中以父諱下行負外郎兼國史院編脩官又兼禮部會慶節上壽在郊禮散齋內議權作樂公言漢唐祀天地散齋四日致齋三日我藝祖初郊亦然自崇寧大觀法周禮分祭天地故前十日受誓戒今既合祭宜復漢唐及本朝舊制費兩得詔垂拱上壽止樂正殿為北使權用十二月正除禮部負外郎公言中興祭典未備岳鎮海瀆先農先蠶風雨雷師九祠以酒脯代牲牢近者雨暘夫節郡國水災殆或以此詔復舊占城國入貢依崇寧五年勅書用白背金花綾紙貯以金鍍銀匣公請如近例學士院謂禮部不當預公曰典禮先有司部兼掌客豈侵官耶長編卷帙漸成蜀帥汪應辰乞下臨安府給筆札繕寫藏祕閣公遂進國初至治平一百八卷持還兩官公患時文衰弱乞令考官取學術醇正切於世用之文苟涉虛浮必行黜落明春省試勅榜成諭上方屬精為治事或中出公輪對言唐虞三代專倚輔弼漢唐或謀卿士今捨三塗近習必進此治亂之機惟聖明深慮過防益有所指也又奏省闈取士本不立額乞參皇祐四百之限稍加裁定舊持奏

名雖賜出身罕授職任近兩榜至八百五十餘人放選注官而賢良方正
一科則寂無應詔當責舉者讀畢遂言天下有變經營北方未見可付之
人上曰朕當自將公曰聖諭及此與真宗濟澶淵合矣上曰此朕家法太
祖平澤潞取維揚太宗平太原皆是也公請先自治以待時上聳聽不倦
近侍皆跛倚明日論三省議省額特恩二事有沮之者乃己五年四月遷
祕書少監太史言八月日當食公上疏曰災異所以儆戒人主今經筵不
訪問言路罕論奏大臣無趙普補綴奏目杜衍封還內降之風臣恐憂不
在疆場惟陛下進衆正消群陰以應天變是冬兼權起居舍人六年雷震上
元後一日公錄仁宗景祐三年正月甲辰求言寬賦欵二詔以進直前乞
判定徽宗實錄之疎舛者因言臣方脩進治平後長編若就加討論他時
可助正史詔後開寶錄院四月首命公為檢討官汪應辰進公于座賢良
詞業上曰卿有子矣范成大除右史升攝起居郎議者誤引元豐八年十
月詔欲廢二浙保正止存耆長又宰相以蜀人帥蜀工部並除二侍郎武
臣提點刑獄皆違舊制公援證再三上曰卿論事根據極當朕心左相陳
俊卿出知福州右相虞允文既任恢復未免更張公言二典若稽古夏有
典則商云成憲周云舊章漢云故事子孫莫之敢廢王安石變更法度

屬階可鑒。上欲除公兵部侍郎。公自攝記。注數譎事。宰相頗不樂。公遂請去。六月除直顯謨閣。湖北轉運副使。陸辭以欲速變古為戒。又奏禹貢九州。荆田第八。賦乃在三。人功既脩。遂超五等。今田多荒蕪。賦虧十八。上委公條畫。至則言創耕。憚科歛。且畏爭奪。宜寬冒占。廣激勸。如太祖乾德四年。許見佃者。止輸舊稅。更不通檢。詔如所請。其兵執契爭奪。毋受理。守令能勸課者賞之。總賦呂游問奏。計公攝其職。歲饑。發戶部大軍倉振民。僚佐爭執。公曰。吾自任責。不以累諸君。尋如數償之。游問歸。劾公專輒。上令具折而已。七年。屋中制科。八年。以舊官趣召。會虞允文由左相宣撫四川。自說北伐。疑公異議。預白上改直寶文閣。帥潼川。兼知瀘州。首葺石門堡。置戍以阨夷人。叙州舊市薪縻馬價頗平。比歲增其尺寸。償直不以時。公言國計邊防。胥失之。乙戒茶馬司。互市毋溢額。仍勿於夷漢禁山內伐木造舟。尋皆報可。守邊踰歲。淳熙元年被召。適城中火。公上章自劾。既放罪矣。提刑何熙志奏。公不親至火所。併指長編記魏王食肥羖語涉誣謗。上曰。此載皇宋事實。何害。止命成都提刑李繫体量火事。公行及國門。乙祠侍辨。除江西轉運副使。且許臨遣。公進治平四年至元符三年長編四百十七卷。或勸公方被謫。勿及時事。公曰。聖主全度如此。竭忠所以報也。遂

奏近者日食地震。夷狄小人。不可不慮。又上快歲引太祖退朝。悔來快決事。以諫。上曰。朕當揭之坐隅。進秘閣脩撰。旋坐火後。不盡書焚室。貶秩一等。而熙志以輒議史事。削兩官。公至江西。置一路財賦都薄。如潼川科約未幾召還。乙令本路母以臣去。廢此書。上曰。卿不為高論。務在便民。甚善。擢祕書監。權同脩國史。權實錄院同脩撰。蓋專付公以史事。故用待從之禮。三年正月也。公前數言。南郊明堂。均大禮。自宜迭行通轉。對申前說。上令集議。嬖近謂於德壽宮有嫌。沮不行。及予為禮部尚書。與諸儒議。用成王宗祀文王。漢武帝陟配高祖。所謂嚴父指周公也。晉唐及本朝名臣皆有是說。非出於熹。熹發之耳。其議遂定。三月除權禮部侍郎。賜服金紫。七月壬戌雷震太廟柱壞鷗尾。有司隨加繕治。公奏此非所以祗天變。當應以實。上諭大臣。熹愛朕屢有讜言。公嘗請正太祖東鄉條上熙寧元符紹興議論。其後卒行之。進四繫錄記。女真契丹起滅。自紹聖迄宣和靖康凡二十卷。上曰。朕可一日忘此虜哉。九月兼侍講。以經筵小開。錄趙師民勸講歲以諷。并及仇士良不欲人主讀書。近儒生之說。會改潛邸為佑聖觀。創璿璣殿於太一宮。公密疏二千餘言。上褒答之。四年春。駕幸太學。命公執經特轉一官。堅辭不聽。公自郎春官。已極論科舉。及持奏名。去冬乙依